



Bilten Saveza općina i gradova Federacije Bosne i Hercegovine



Godina: XXI

Datum: 07.10.2024.

Broj: 296

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

STANJE PRIRODNE NESREĆE NA PODRUČJU FEDERACIJE - VIŠE OD 20 SMRTO STRADALIH

Nakon što je katastrofalna prirodna nepogoda – poplave i klizišta, zadesila općine Jablanica, Kiseljak, Kreševo, Fojnica i Grad Konjic, a uzrokovano obilnim kišnim padavinama u tom području što je rezultiralo velikim brojem ljudskih žrtava, Savez općina i gradova Federacije Bosne i Hercegovine zakazuje vanrednu sjednicu Predsjedništva Skupštine Saveza koja će se održati u utorak, 08.10.2024. godine sa početkom u 11h. Za prisustvo sjednici pozvani su i načelnici pogođenih općina.



Donja Jablanica, magistralni put kod Komadinovog vrela

Vlada Federacije je na dan nesreće (petak, 4.10.2024.), na hitnoj telefonskoj sjednici proglasila stanje prirodne nesreće na području Federacije, a i pogođene lokalne zajednice su također proglasile stanje prirodne nesreće na svom području.

Veliki broj općina i gradova su isti dan mobilizirali svoje resurse u svrhu pružanja pomoći nastradalim. Prema našim saznanjima, načelnik Općine Tešanj uputio je više vozila pomoći, Općina Centar je izdvojila 100.000KM, Grad Sarajevo 100.000KM, Grad Dobo 100.000KM, Grad Cazin 50.000KM, Brčko Distrikt 200.000KM, ekipe civilnih zaštita i gorskih služba velikog broja lokalnih zajednica iz BiH su na terenu od prvog dana, kao i službe pomoći susjednih država i šire. U Budžetu Federacije BiH za spašavanje trenutno, prema izjavi ministra Mijatovića dostupno je više od 20 miliona KM, a u slučaju potreba Vlada FBiH će izdvojiti sredstva i iz budžetske rezerve.

Ovom prilikom pozivamo sve lokalne zajednice na maksimalnu solidarnost sa pogođenim područjima. Neke od pogođenih lokalnih zajednica su na svojim web stranicama objavili instrukcije za pružanje pomoći koje navodimo ispod:

1. JABLANICA

Donacije se mogu izvršiti uplatom na transakcijski račun Općine Jablanica:

134 673 100 709 1473 kod ASA Banka

E-mail: jabl.o@bih.net.ba Centrala: 036/751-300

<http://www.jablanica.ba/ba/vijesti-jablanica/iz-opcine/otvoren-racun-za-pomoc-unesrecenim-ljudima-pogodenim-poplavama.html>

2. FOJNICA

Svi koji žele pomoći stanovništvu u ugroženom području na teritoriji općine Fojnica svoje donacije, hranu, lijekove i higijenske potrepštine mogu donirati preko Crvenog križa općine Fojnica. Kontakt: Anita Markanović 061 939 714 i Abdulkrim Krčić 061 037 926

Savez općina i gradova Federacije Bosne i Hercegovine izražava saučešće porodicama stradalih od posljedica poplava i odrona u pogođenim područjima.

PREDSJEDNIK PREDSJEDNIŠTVA SKUPŠTINE SAVEZA NA SASTANKU KOD FEDERALNOG MINISTRA RADA I SOCIJALNE POLITIKE



Ministar Delić je izrazio spremnost za unaprijeđenje segmenta socijalne zaštite, te je istakao da je usvajanjem Budžeta FBiH za 2024. godinu odobreno tri miliona KM za podršku centrima za socijalni rad.



U prostorijama Federalnog ministarstva rada i socijalne politike, 31.05.2024. godine održan je sastanak predstavnika ovog Ministarstva na čelu sa ministrom gospodinom Adnanom Delićem i predstavnika Saveza općina i gradova Federacije Bosne i Hercegovine na čelu sa predsjednikom Predsjedništva Skupštine Saveza gospodinom Mladenom Mišurićem – Ramljakom.

Ovom prilikom je, između ostalog, razgovarano u ulozi jedinica lokalne samouprave kada je u pitanju pružanje usluga iz oblasti socijalne zaštite, te je posebno naglašen značaj centara za socijalni rad čiji su osnivači jedinice lokalne samouprave.

Predsjednik Predsjedništva Skupštine Saveza, Mladen Mišurić – Ramljak je pohvalio inicijativu za unaprijeđenje saradnje između Ministarstva rada i socijalne politike FBiH i Saveza općina i gradova FBiH, te je dogovoreno da se na narednu sjednicu Predsjedništva Saveza pozove ministar Adnan Delić.

Ministar Delić je izrazio spremnost za unaprijeđenje segmenta socijalne zaštite, te je istakao da je usvajanjem Budžeta FBiH za 2024. godinu odobreno tri miliona KM za podršku centrima za socijalni rad. Također je naglasio da je u federalnom budžetu osigurano dva miliona KM za poboljšanje infrastrukturnih i prostornih uslova u centrima za socijalni rad i ustanovama socijalne zaštite na području Federacije BiH. Naveo je da će u narednom periodu Ministarstvo za rad i socijalnu politiku na svojoj web stranici objaviti javne pozive za poboljšanje infrastrukture i jačanja kapaciteta centara za socijalni rad u Federaciji BiH. Pored navedenog, naglašeno je i da je u proceduri Zakon o socijalnim uslugama.

UNAPREĐENJE DIJALOGA SA PREDSTAVNICIMA IZVRŠNE VLASTI U FBiH

Obzirom na mnogobrojna pitanja koja su predmet odluka i stavova organa upravljanja Saveza, na Dvanaestu sjednicu Predsjedništva Skupštine Saveza općina i gradova Federacije Bosne i Hercegovine, koja je održana 16.07.2024. godine u Sarajevu, pozvani su najodgovorniji predstavnici izvršne vlasti Federacije Bosne i Hercegovine kako bi se unaprijedio dijalog te poboljšala saradnja. Predsjednik Predsjedništva Skupštine SOGFBiH Mladen Mišurić-Ramljak, kazao je kako posebno raduje činjenica da su sjednici nazočili predstavnici izvršne vlasti.



Predsjednica Federacije Bosne i Hercegovine Lidija Bradara naglasila je kako većina problema završi u općinama i gradovima te kako je važna saradnja sa predstavnicima izvršne vlasti.

„To je pokazatelj da više razine vlasti počinju da uvažavaju jedinice lokalne samouprave kao partnere u diobi vlasti. U biti mi nismo na suprotstavljenim stranama, nego na istoj strani a sve u korist svih građana i građanki Federacije BiH. Intenzivirat ćemo suradnju kroz pozive ministrima koji su zaduženi za jedinice lokalne samouprave“, kazao je predsjednik Mišurić-Ramljak.

Predsjednica Federacije Bosne i Hercegovine Lidija Bradara naglasila je kako većina problema završi u općinama i gradovima te kako je važna saradnja sa predstavnicima izvršne vlasti. „Izuzetno je važno dolaziti na ovakve sastanke i voditi dijalog. Svako zakonsko rješenje koje mi donesemo na nivou Federacije BiH na kraju završi u nekoj od općina te se provoditi u lokalnim samoupravama“, kazala je predsjednica Bradara.

Na sjednici se razmatrao modalitet saradnje između Federalnog ministarstva rada i socijalne politike i jedinica lokalne samouprave u pogledu provedbe određenih strateških ciljeva i prioriteta iz oblasti socijalne i dječje zaštite gdje se prisutnima obratio ministar rada i socijalne politike FBiH Adnan Delić. „Moramo da sarađujemo jer je oblast socijalne zaštite podijeljena nadležnosti između različitih nivoa vlasti. Imamo određene probleme kada je funkcionisanje centara za socijalni rad u pitanju. Na današnjem sastanku smo inicirali rješavanje gorućih pitanja koja se odnose na funkcionisanje centara za socijalni rad“, kazao je ministar Delić.

Na sjednici su iznijete informacije o poziciji malih općina u sistemu pripadnosti i raspodjele javnih prihoda u FBiH. Prezentirane su aktivnosti Saveza povodom obavještenja elektroprivrednih preduzeća u Federaciji BiH o gubitku prava na javnu uslugu snabdijevanja električnom energijom jedinica lokalne samouprave. Iznijela se informacija sa konferencije „Zakonski okvir za očuvanje šuma: Izazovi i perspektive“. Također, Predsjedništvo je informisano o puštanju u proceduru javnih konsultacija o Prednacrtu zakona o vodnim uslugama u Federaciji Bosne i Hercegovine.

Ministar Delić je izjavio kako „moramo da sarađujemo jer je oblast socijalne zaštite podijeljena nadležnosti između različitih nivoa vlasti.“

POTPISANA DEKLARACIJA O OSNIVANJU MREŽE ZA EU INTEGRACIJE SAVEZA OPĆINA I GRADOVA FEDERACIJE BOSNE I HERCEGOVINE

U Sarajevu, 14.06.2024. godine je održan Osnivački sastanak Mreže za EU integracije Saveza općina i gradova Federacije Bosne i Hercegovine na kojem su članovi i članice Mreže usvojili Poslovnik o radu i Program rada, te potpisale Deklaraciju o osnivanju Mreže.

Na sastanku je za predsjednika Mreže, jednoglasno izabran Srećko Mikulić iz Općine Grude. Za zamjenika predsjednika jednoglasno je izabran Haris Sijarić iz Općine Centar Sarajevo.

„Evropska unija je naš zajednički izbor. Naša su očekivanja kako će Mreža za EU integracije, korak po korak, stvarati mogućnost za učešće u što više projekata“, istakao je Mikulić.

Mreža je neformalno konsultaciono i savjetodavno tijelo Saveza općina i gradova Federacije Bosne i Hercegovine. Dugoročni cilj Mreže je razmjena i praktična primjena znanja, iskustava i dobrih praksi u radu službenika/ica jedinica lokalne samouprave koji učestvuju u aktivnostima provođenja evropskih integracija u svojim lokalnim zajednicama i komunikacije sa nadležnim institucijama, nevladinim organizacijama i drugim razvojnim akterima koji djeluju na lokalnom nivou.



Sa Osnivačkog sastanka Mreže, Sarajevo, 14.06.2024. godine

„Evropska unija je naš zajednički izbor. Naša su očekivanja kako će Mreža za EU integracije, korak po korak, stvarati mogućnost za učešće u što više projekata“, istakao je Mikulić.



Osnivački sastanak Mreže za EU integracije, Sarajevo, 14.06.2024.

Tokom sastanka prisutnima se obratio predsjednik Komisije međunarodne veze, saradnju i evropske integracije SOGFBiH Marijan Oršolić koji je kazao kako su ambicije da se sve članice Saveza aktivnije uključe u ovaj proces.

Savjetnik za sistem finansiranja lokalne samouprave SOGFBiH Halko Basarića, prezentovao je Kreditnu liniju za općine, gradove i razvojne agencije Razvojne banke FBiH. Predstavnici Direkcije za evropske integracije prisutnima su predstavili dostupne EU projekte za Bosnu i Hercegovinu.

Ova aktivnost se sprovodi u sklopu Projekta „Jačanje saveza općina/opština i gradova u Bosni i Hercegovini“ koju imlementira Saveza općina i gradova Federacije BiH u saradnji sa Asocijacijom lokalnih vlasti i regiona Švedske (SALAR), a uz podršku vlada Švedske i Švicarske.

ODRŽANA 14. SJEDNICA PREDSEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

Četrnaesta sjednica Predsjedništva Skupštine Saveza općina i gradova Federacije Bosne i Hercegovine (Predsjedništvo SOGFBiH) održana je u online formatu 27.09.2024. godine.

Članovi Predsjedništva SOGFBiH su informisani o relevantnim aktivnostima realizovanim u proteklom periodu.


Prezentovani su izvještaji sa sjednica Komisije za ustavna i zakonodavna pitanja koja se, između ostalog, očitovala o stavovima članica Saveza vezano za Prednacrt Zakona o vodnim uslugama u Federaciji Bosne i Hercegovine, te je naglašeno da je potrebno da se jedinice lokalne samouprave u većoj mjeri uključe u ovu veoma bitnu tematiku.

Predsjedništvo SOGFBiH je upoznato da su jedinice lokalne samouprave, putem Saveza, konsultovane o Nacrtu Zakona o kulturi Hercegovačko-neretvanskog kantona, Nacrtom Zakona o proglašenju Zaštićenog područja planine Zvijezda, te o Prednacrtu Zakona o predškolskom odgoju i obrazovanju u Hercegovačko-neretvanskom kantonu/županiji.

Naglašeno je i to da je Vlada Federacije Bosne i Hercegovine krajem mjeseca avgusta ove godine utvrdila Nacrt Zakona o premjeru i katastru nekretnina i uputila ga u parlamentarnu proceduru.



Direktorica Travljanin na online sjednici Predsjedništva Saveza



Članovima Predsjedništva je prezentovana informacija da će Savez općina i gradova Federacije Bosne i Hercegovine u saradnji sa Vijećem Evrope i Savezom opština i gradova Republike Srpske u narednom periodu implementirati Projekat „Jačanje demokratskih inovacija i jačanje ljudskih prava na lokalnom nivou u Bosni Hercegovini“.

Nakon Lokalnih izbora koji će se održati 06.10.2024. godine, Predsjedništvo SOGFBiH nastavlja sa radom do izbora novih članova organa upravljanja Saveza.

UKOVODSTVO SOGFBiH UČESTVOVALO U OBUCI O IMPLEMENTACIJI UN- OVIH CILJEVA ODRŽIVOG RAZVOJA NA LOKALNOM NIVOU



Uz podršku Švedskog instituta (SI) u okviru programa Capacity Boost koji podržava alum-niste članova SI programa, u prostorijama Fondacije Konrad Adenauer u Sarajevu, 24.09.2024. godine održana je obuka o implementaciji UN-ovih ciljeva održivog razvoja (SDG-a) na lokalnom nivou. Svrha obuke je bila ojačati kapacitete, znanja i vještine alumnija Švedskog instituta.

Obuka je uključivala sljedeće komponente: razumijevanje

SDG-a i Agende 2030, kontekstualizacija SDG-a na lokalnom nivou te umrežavanje.

Alumnistima se obratio lokalni stručnjak za kreiranje politika na lokalnom nivou dr. Adis Arapović, koji je govorio o razumijevanju SDG-a i Agende 2030. U ime Saveza općina i gradova Federacije Bosne i Hercegovine se obratila direktorica Vesna Travljanin koja je ukazala na značaj primjene SDG-a na lokalnom nivou.

“Strategija razvoja Saveza općina i gradova FBiH 2022-2027. godine, uključuje principe djelovanja koji su u potpunosti oslonjeni na ciljeve održivog razvoja a to su jednakost i solidarnost članova, održiva decentralizacija, depolitizacija i profesionalizacija javne uprave. Zatim tu su modernizacija javne uprave, rodna ravnopravnost i sprečavanje svih oblika diskriminacije i učešće građana u vođenju javnih poslova, vertikalna i horizontalna koordinacija i saradnja. Savez općina i gradova FBiH realizuje projekat Socijalna prava za ranjive grupe (SoRi) kao i projekat Zdrave zajednice u BiH, gdje se radi sa određenim općinama na jačanju svijesti stanovništva u pogledu zdravstvene zaštite. Savez je formirao Mrežu za rodnu ravnopravnost, a radi se na modernizaciji javne uprave kao i na solidarnosti posebno prema malim i nerazvijenim općinama”, istakla je direktorica Travljanin.

Prisutnima se obratio i Seid Škaljić, predsjedavajući Općinskog vijeća Stari Grad Sarajevo te Tadija Mitić, program menadžer Nacionalne koalicije za decentralizaciju iz Niša (Srbija).

*“Strategija razvoja
Saveza općina i gradova
FBiH 2022-2027. godine,
uključuje principe
djelovanja koji su u
potpunosti oslonjeni na
ciljeve održivog razvoja “,
istakla je direktorica
Travljanin.*



Implementacija UN ciljeva na
lokalnom nivou, Sarajevo
24.09.2024.

U SARAJEVU ODRŽAN ZAJEDNIČKI SASTANAK MREŽE KOORDINATORA ZA RAD SA MJESNIM ZAJEDNICAMA SOGFBiH I SOGRS

Sedmi po redu sastanak Mreža koordinatora/ica za rad sa mjesnim zajednicama u zajedničkoj organizaciji Saveza općina i gradova Federacije Bosne i Hercegovine i Saveza opština i gradova Republike Srpske, održan je 10.07.2024. godine u Sarajevu. Sastanak je realiziran u okviru Projekta: „Jačanje uloge mjesnih zajednica u BiH“ kojeg finansiraju Vlada Švicarske i Švedska, a provodi Razvojni program ujedinjenih nacija - UNDP u BiH. Ovaj događaj je okupio veliki broj učesnika iz jedinica lokalne samouprave, a u okviru rada panela predstavljeni su kako zakonski okvir tako i prilike i mogućnosti za saradnju centara za socijalni rad i jedinica lokalne samouprave, odnosno mjesnih zajednica.



Mreža koordinatora za rad sa
mjesnim zajednicama



U okviru rada panela predstavljeni su kako zakonski okvir tako i prilike i mogućnosti za saradnju centara za socijalni rad i jedinica lokalne samouprave, odnosno mjesnih zajednica.

Pored toga, prezentiran je i koncept djelovanja Centara za zdravo starenje kojih je trenutno preko dvadeset u Bosni i Hercegovini.

Gradonačelnik Zavidovića Hašim Mujanović kazao je kako je pitanje socijalnih prava koja se vežu za osobe treće životne dobi kroz ostvarivanje socijalnih prava po osnovu Zakona o osnovama socijalne zaštite, zaštite civilnih žrtava rata i zaštite porodice sa djecom u FBiH od velike važnosti. "Na sastanku smo saznali mnogo korisnih savjeta i uputa kako da lokalne samouprave se prilagode potrebama u

narednom vremenskom periodu", kazao je Mujanović.

Viši referent za rad sa mjesnim zajednicama Općine Tešanj Hasan Plančić istakao je kako je za rješavanje problema ključna komunikacija centara za socijalni rad i mjesnih zajednica. "Izvršni su problemi sa kapacitetima mjesnih zajednica i centara za socijalni rad. Određene izmjene zakona definišu dodatne obaveze uposlenicima centara za socijalni rad koji nisu dovoljno kapacitirani", pojašnjava Plančić.

Sekretar jedinstvenog organa i Gradskog vijeća Gračanica Dženana Tukulj je kazala kako se Gradska uprava pokazala kao korektivni faktor na određena socijalna stanja, da preventivno utiče kako ne bi postali socijalni slučajevi. "Gradska uprava Gračanica nekoliko godina sufinansira preko Centra za socijalni rad Gračanica sufinansiraju nabavku djecu i omladinu dijabetičare. Sufinansiraju i socijalna prava za osobe koje ranije nisu uspjele da steknu to pravo", kazala je Tukulj.

ODRŽAN OKRUGLI STOL "POZICIJA MALIH OPĆINA U SISTEMU PRIPADNOSTI I RASPODJELE JAVNIH PRIHODA U FBiH"

Cilj okruglog stola je aktuelizirati poteškoće sa kojima se u svakodnevnom radu susreću male i fiskalno ugrožene općine.

Istaknuto je da ove općine trebaju imati poseban tretman u sistemu javnih finansija u FBiH, jer ne mogu postići isti nivo javnih usluga kao veće JLS, čime je ugroženo pravo na jednak nivo i kvalitetu usluga za sve građane FBiH.

U organizaciji Saveza općina i gradova Federacije Bosne i Hercegovine, u Sarajevu je 30.05.2024. godine održan okrugli stol "Pozicija malih općina u sistemu pripadnosti i raspodjele javnih prihoda u FBiH", a koji je imao za cilj aktuelizirati poteškoće sa kojima se u svakodnevnom radu susreću male i fiskalno



ugrožene općine. Uz sudjelovanje predstavnika 10 jedinica lokalne samouprave, predsjedavajućeg Komisije za lokalnu samoupravu Predstavničkog doma Parlamenta FBiH, sekretara Odbora za ekonomsku i razvojnu politiku, finansije i budžet i Komisije za ustavna pitanja Doma naroda Parlamenta FBiH, direktora Zavoda za programiranje razvoja FBiH, analiziran je trenutni status finansiranja i pripadajućih nadležnosti malih općina u FBiH. Konstatirano je da postojeći sistem lokalne samouprave u FBiH ne tretira ovu kategoriju općina drugačije u pogledu rashodovnih nadležnosti. Male općine moraju osigurati jednaki broj, kvalitetu i pristupačnosti usluga kao i razvijenije općine, što ih stavlja u neravnopravan položaja sa općinama i gradovima koji imaju veći fiskalni kapacitet. Ukazano je i na problem transfera iz Budžeta FBiH, koji za ovu godinu ne predviđa 125.000 KM za sve općine, a čime su posebno pogođene male i fiskalno ranjive općine. U raspravi je istaknuto i da ove općine trebaju imati poseban tretman u sistemu javnih finansija u FBiH, jer ne mogu postići isti nivo javnih usluga kao veće JLS, čime je ugroženo pravo na jednak nivo i kvalitetu usluga za sve građane FBiH.

Osim toga, predstavljena je i Inicijativa delegata u Domu naroda Parlamenta FBiH Azhara Sejarića o usvajanju Zakona o općinama od posebnog značaja za FBiH, a kojim bi se ispravila trenutna anomalija u sistemu finansiranja malih općina, te bi se osiguralo njihovo finansiranje i pružanje usluga.

Učesnici Okruglog stola podržali su usvajanje ovog Zakona kao trajnog i optimalnog rješenja za finansiranje rashodovnih nadležnosti, uz istovremeno podnošenje amandmana na rebalansa Budžeta u 2024. godini kojima bi se ponovo uvelo finansiranje od 125.000 KM za ovu kategoriju općina.

ODRŽANA "OBUKA ZA ODNOS S JAVNOŠĆU I MEDIJIMA"

U Skoplju je od 10. do 12. juna/lipnja održana "Obuka za odnose s javnošću i medijima" kojeg moderiraju Natasha Božinovska Mirkova, Natasha Velkovska i Teodora Radoncik.

Ciljevi ove edukacije su prenijeti RCDN partnerima vještine i strategije za poboljšanje komunikacije, izgradnju jakih odnosa s javnošću i efikasno zagovaranje interesa svojih članova.

Cilj je i podijeliti i objasniti ključne koncepte strateške komunikacije „Regionalne mreže za razvoj kapaciteta (RCDN) u oblasti vodosnabdijevanja i tretmana otpadnih voda“ kao i komunikacijske strategije i akcionog plana (ključne tačke, ciljevi, poruke i uloge u implementaciji), zatim shvatiti potrebu kreiranja sadržaja i izgradnje i održavanja odnosa sa medijima.

Za kraj, cilj je razumijeti koncepte, alate, tehnike i materijale za odnose s javnošću (izjave, saopštenja za javnost, pozive, briefove za medije, intervju) kao i osnovne zahtjeve za uspješan nastup u javnosti.

Na ovoj edukaciji, prisustvovali su predstavnici Saveza općina i gradova Federacije Bosne i Hercegovine, Udruženja UTVSI, Udruženje pružalaca komunalnih usluga Republike Sjeverne Makedonije (ADKOM) Skoplje, Zajednice opština Crne Gore, Udruženja vodovoda Crne Gore, Udruženja lokalne autonomije Albanije, Udruženja vodovoda i kanalizacije Kosova (SHUKOS), te Mreže udruženja lokalnih vlasti Jugoistočne Evrope (NALAS).



U TIRANI ODRŽAN TRENING TRENERA U OKVIRU PROJEKTA RCDN+

U okviru Regionalne mreže za razvoj kapaciteta u oblasti vodosnabdijevanja i odvodnje (RCDN+) u periodu od 24. do 27. septembra 2024. godine u Tirani je održan Trening za trenere.

Cilj treninga je dodatno unapređenje metodoloških kompetencija trenera za kvalitetno izvođenje obuka u skladu sa utvrđenim RCDN standardima kvaliteta. Fokus je bio na specifičnostima RCDN ciklusa upravljanja obukom, ključnim elementima standarda kvaliteta, didaktičkim vještinama prenošenja znanja i facilitacije, vještinama prezentovanja i sl.



Učesnici obuke su delegirani od strane asocijacija općina i gradova i asocijacija komunalnih preduzeća iz zemalja Zapadnog Balkana (Bosna i Hercegovina, Crna Gora, Srbija, Sjeverna Makedonija, Albanija i Kosovo).

Cilj RCDN+ programa je povećanje efektivnosti i efikasnosti vodovodnih preduzeća na Zapadnom Balkanu, čime se doprinosi boljem pružanju usluga vodosnabdijevanja i prečišćavanja otpadnih voda za veći broj stanovnika.

Projekat Regionalna mreža za jačanje kapaciteta za usluge vodosnabdijevanja i sanitacije (RCDN+) implementira Deutsche Gesellschaft für Internationale Zusammenarbeit (GIZ), preko njemačkog Saveznog ministarstva za ekonomsku saradnju i razvoj (BMZ) i švicarskog Državnog sekretarijata za ekonomske poslove (SECO).



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Federal Department of Economic Affairs,
Education and Research EAER
State Secretariat for Economic Affairs SECO



RADIONICA „USPJEŠNI JAVNI NASTUPI I NASTUPI U MEDIJIMA ZA JEDINICE LOKALNE SAMOUPRAVE“ ZA PREDSTAVNIKE I PREDSTAVNICE PR MREŽE I MREŽE ZA RODNU RAVNOPRAVNOST SAVEZA OPĆINA I GRADOVA FEDERACIJE BIH



U Mostaru je 24.05.2024. godine održana radionica za predstavnike i predstavnice PR Mreže i Mreže za rodnu ravnopravnost Saveza općina i gradova Federacije Bosne i Hercegovine. Tema radionice je uspješni javni nastupi i nastupi u medijima, kao i integrisanje rodne ravnopravnosti kroz mehanizme javnog informisanja.

Učesnici i učesnice su imale priliku da unaprijede svoja znanja i vještine u odnosima sa medijima, uspješne javne nastupe u medijima i kako uspješno održati javnu prezentaciju i govor. Također, koje su to obaveze jedinica lokalnih samouprava u promovisanju rodne ravnopravnosti. Na treningu su prezentirani i rezultati istraživanja na studiji slučaja i preporuke za unapređenje promovisanja rodne ravnopravnosti i rodna kontrolna lista za odnose s javnošću lokalnih vlasti.



Predavači na radionici su bili dr. Božo Skoko, profesor Fakulteta političkih nauka u Zagrebu, Nina Mujkanović, predsjednica Mreže za rodnu ravnopravnost Saveza općina i gradova Federacije Bosne i Hercegovine te Mirela Čaušević, koordinatorica za rodnu ravnopravnost Saveza općina i gradova Federacije Bosne i Hercegovine.

Ova aktivnost se sprovodi u sklopu Projekta „Jačanje saveza općina i gradova u BiH“, kojeg provodi Savez općina i gradova FBiH u saradnji sa Švedskom asocijacijom lokalnih vlasti i regiona (SALAR), a uz podršku Vlada Švicarske i Švedske.

POTPISANA DEKLARACIJA O OSNIVANJU MREŽE ZA RODNU RAVNOPRAVNOST SAVEZ OPĆINA I GRADOVA FEDERACIJE BOSNE I HERCEGOVINE



U Sarajevu, 07.05.2024. godine je održan Osnivački sastanak Mreže za rodnu ravnopravnost Saveza općina i gradova Federacije Bosne i Hercegovine na kojem su članovi i članice Mreže usvojile Poslovnik o radu i Program rada, i potpisale Deklaraciju o osnivanju Mreže za rodnu ravnopravnost Saveza općina i gradova Federacije Bosne i Hercegovine.

Na sastanku je za predsjednicu Mreže, jedno-glasno izabrana Nina Mujkanović iz Grada Lukavac. Za zamjenicu predsjednice izabrana je Gabrijela Nedić iz Općine Žepče.

Mreža je neformalno konsultaciono i savjetodavno tijelo Saveza općina i gradova Federacije Bosne i Hercegovine. Cilj Mreže je

razmjena i praktična primjena znanja, iskustava i dobrih praksi u radu službenika/ica jedinica lokalne samouprave koji učestvuju u aktivnostima provođenja rodne ravnopravnosti u svojim lokalnim zajednicama i komunikacije sa nadležnim institucijama, nevladinim organizacijama i drugim razvojnim akterima koji djeluju na lokalnom nivou.

Ova aktivnost se sprovodi u sklopu Projekta „Jačanje saveza općina/opština i gradova u Bosni i Hercegovini“ koju implementira Savez općina i gradova Federacije BiH u saradnji sa Asocijacijom lokalnih vlasti i regiona Švedske (SALAR), a uz podršku vlada Švedske i Švicarske.

PREDSTAVLJEN NACRT “VODIČ ZA BOLJU KOORDINACIJU”



Göksel i dr. Eldan Mujanović.

Vodič ima za cilj da unaprijedi određene sistematske i operativne aspekte, u cilju što organizovanije i uspješnije koordinacije. Pored organizatora, okruglom stolu su prisustvovali predstavnici općina Hadžići, Ilidža i Grada Bihać, koji su imali priliku da razmijene mišljenja o nacrtu “Vodič za bolju koordinaciju” i daju preporuke iz vlastitih iskustava kako bi se došlo do što bolje izrade ovog važnog dokumenta.

Savez općina i gradova Federacije Bosne i Hercegovine u saradnji sa GIZ-om i NALAS-om, u Sarajevu je 28.05.2024. godine organizovao drugi okrugli sto u sklopu projekta “Društveno učešće ljudi u pokretu i lokalnog stanovništva u zemljama domaćinima Zapadnog Balkana”. Na stolu je predstavljen nacrt “Vodič za bolju koordinaciju”, koji je rezultat rada dr. Gülay Uğur

giz Deutsche Gesellschaft
für Internationale
Zusammenarbeit (GIZ) GmbH



ZAVRŠNA REGIONALNA KONFERENCIJA RELOAD2 PROGRAMA ODRŽANA U PODGORICI, 17. – 18.09.2024.



Završna regionalna konferencija Regionalnog programa lokalne demokratije na Zapadnom Balkanu posvećena jačanju saradnje lokalnih vlasti i civilnog društva, održana je 17. i 18.09.2024. u Podgorici. Okupila je više od stotinu

predstavnika lokalnih samouprava i organizacija civilnog društva sa Zapadnog Balkana, kao i predstavnika ministarstava i Evropske unije.

Otvarajući skup, ministar javne uprave Crne Gore, Marash Dukaj poručio je da se kapaciteti nevladinih organizacija mora iskoristiti, jer samo na taj način možemo postati društvo koje pripada Evropskoj uniji. “Njihova ekspertiza može značajno pomoći organima lokalne uprave da razviju adekvatne lokalne politike, na zadovoljstvo građana.”, izjavio je Dukaj.

Na konferenciji su predstavljena iskustva saradnje lokalnih vlasti i civilnog društva u vezi sa transparentnošću procedura i jasnoćom financiranja organizacija civilnog društva (OCD) širom zapadnog Balkana. Posebna pažnja bila je posvećena zakonodavnim razlikama i sličnostima širom regije, kao i postojećim praksama i iskustvima Evropske unije.

ReLOaD2 program, koji Evropska unija finansira sa 12.63 miliona eura, a sprovodi Program Ujedinjenih nacija za razvoj (UNDP) obuhvata 62 lokalne samouprave širom Zapadnog Balkana. U protekle četiri godine realizovano je više od 470 NVO projekata, od kojih je korist imalo više od 70 000 građana/ki u regiji. Aktivnosti se realizuju u različitim sektorima, koje su lokalne vlasti identifikovale kao važne prioritete koji region približavaju ispunjavanju uslova za pristupanje EU.

Konferencija je sumirala ove uspjehe, ali i omogućila tematske diskusije usmjerene na preporuke za poboljšanje odgovornosti i učinkovitosti na lokalnom i regionalnom nivou, s naglaskom na poboljšanje komunikacije, razmjene znanja i izgradnje kapaciteta.



ReLOaD
Regionalni program lokalne
demokratije na Zapadnom Balkanu

RADIONICA U OKVIRU PROJEKTA "CARING COMMUNITIES"

Interreg
Danube Region

Caring Communities

Co-funded by
the European Union

Projekat „Caring Communities“, finansiran kroz Interreg program, okuplja 25 partnera iz devet zemalja Dunavskog regiona kako bi unaprijedio kućnu njegu. Cilj je izgradnja platforme za saradnju koja povezuje lokalne pružaoce usluga, donosiocje odluka i stručnjake. Kroz online događaje i razmjenu znanja, projekat teži jačanju kapaciteta i inovacija u uslugama kućne njege i zajednice.

U okviru projekta Caring Communities održaće se serija radionica na kojima će partnerske zemlje iz Dunavskog regiona predstaviti svoj lokalni sistem kućne njege i podijeliti dobre prakse. Prva radionica će se održati 8. oktobra 2024. godine u periodu od 09:00 – 11:00 sati online (zoom). Fokus prve radionice je na Njemačkoj i njenom "Quartier" pristupu, koji promovise angažman i podršku unutar zajednica. Cilj je poboljšanje uslova života i rada kroz saradnju s lokalnim stanovništvom, oblikovanje gradskih četvrti i razvoj individualnih rješenja. Radionica će obuhvatiti projekte u susjedstvu i volonterske inicijative.

ON LINE OBUKA O EFIKASNOJ PRIMJENI IT ZA SMANJENJE RIZIKA OD KATASTROFA (DRR) NA LOKALNOM NIVOU



Učesnici će se upoznati s hidrometeorološkim opasnostima i procesom procjene rizika, uz naglasak na izgradnju otpornosti.

Obuka će se održati 22. i 29. oktobra 2024. godine, na engleskom jeziku, od 10:00 do 13:00 sati. Rok za registraciju je 16. oktobar 2024. godine.

LAS Training: Effective Application of DRR IT Tool
Hydrometeorological Hazards at a Local Level

COVALEX je projekat finansiran od strane EU kojem je cilj stvaranje **zajednice stručnjaka za hidrometeorološke i tehnološke opasnosti** (oluje, obilne snježne padavine, suše, toplotni i hladni talasi, itd.). COVALEX nastoji objediniti i iskoristiti različita iskustva, geografske lokacije i mreže, te promovisati procese prevencije, pripreme i testiranja. Projekat okuplja ključne aktere uključene u upravljanje rizikom i katastrofama: akademike, praktičare i donosiocje odluka. Stvara mrežu koja sarađuje na multidisciplinarni i međusektorski način i primjenjuje naučno znanje u upravljanju rizikom od katastrofa. Obuku organizuje NALAS i ima za cilj jačanje lokalnih vlasti i zainteresovanih strana poboljšanjem njihovog razumijevanja načina prevencije i odgovora na hidrometeorološke opasnosti, kao i doprinos razvoju efikasnijih politika i akcija putem inovativnih rješenja i alata.

Učesnici će se upoznati s hidrometeorološkim opasnostima i procesom procjene rizika, uz naglasak na izgradnju otpornosti. Biće predstavljeni mehanizmi EU za upravljanje ovim opasnostima, kao i IT alati i platforme koje lokalne vlasti mogu koristiti. Također, biće razmatrana inovativna rješenja i najbolje prakse iz različitih regija. Ova obuka će pomoći u jačanju kapaciteta lokalnih zajednica za suočavanje sa hidrometeorološkim izazovima.

Obuka se sastoji od četiri modula, s ciljem da osnaži praktičare u lokalnim vlastima koji se bave upravljanjem rizikom od katastrofa i klimatskim promjenama.

NAJAVA

1. Uvod u hidrometeorološke opasnosti: Učesnici će steći osnovna znanja o suštini hidrometeoroloških opasnosti, globalnim i regionalnim historijskim događajima, klimatskim projekcijama i održivom razvoju. Ovaj modul pomaže u razumijevanju upravljanja rizicima i izgradnji otpornosti.

2. Procjena rizika i spremnosti: Ovaj modul fokusira se na procjenu rizika i izazove s kojima se lokalne vlasti suočavaju. Učesnici će istražiti međunarodne okvire i indikatore koji podržavaju procese upravljanja.

3. Perspektive Evropske unije: U ovom modulu, učesnici će se upoznati sa institucijama EU koje se bave upravljanjem rizikom od katastrofa, pružajući lokalnim vlastima informacije o dostupnim resursima i podršci.

IT alati i platforme: Ovaj modul nudi pregled inovacija i tehnologija koje se koriste za upravljanje katastrofama, ističući izazove i mogućnosti za jačanje otpornosti zajednica.

Obuka je osmišljena za praktičare koji već imaju osnovna znanja i radi se **online** uz interaktivne metode, uključujući čitanja i diskusije. Aktivno učešće je ključno za sticanje sertifikata, koji se dobija nakon ispunjavanja svih zahtjeva.

Obuka će se održati 22. i 29. oktobra 2024. godine, na engleskom jeziku, od 10:00 do 13:00 sati. Rok za registraciju je 16. oktobar 2024. godine.

Link za prijavu: <https://us06web.zoom.us/meeting/register/tZwscOGvqTMoGtF1-gOvBK44oiyZjMYdkxsl#/registration>

Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.